

14569 14574
14570 14575
14571
14572
14573

891.99

2.38

066 - 26/11/77

2003

Х. 91. 1174

**ՀԱՅ-ԺՈՂՈՎՐԴԱԿԱՆ
ԱՒԱՆԴՈՒԹԻՒՆՆԵՐ**

ԺՈՂՈՎԱԾՈՒ

ՏԻԳՐԱՆՈՅ ՆԱԻԱՍԱՐԴԵԱՆՑ



ԱՌԱՋԻՆ ԳԻՐԳ

Ե Ր Ե Ւ Ա Ն

ՏՊԱՐԱՆ ԷՄԻՆ ՏԵՐ ԳՐԻԳՈՐԵԱՆՅԻ

1883

ՀԱՆՔԼՈՒԿՆԵՐ

1. Էն ի՞նչն ա ի՞նչ. — (1)
Հէրը գնաց հըրըրալէն,
Քարվան գնաց ճըրըրալէն.
Հէր՝ դու կա՛ց, քարվան՝ դու եդ դա՛ռ:
2. Փէտը փէտին աղպէր,
Ջուրը ջրին՝ հօրողպէր.
Աւագ սարկաւ ագ՝
Չի՛ մինի քաղաք:
3. Սև սալայ՝ սիպտակ սալայ,
Խաթուն միջին կ'ծլվայ:
4. Ահ տամ, լօկ տամ.
Քաթուլիցը բռնեմ՝ ձիգ տամ:

(1) Ծանօթ. Առհասարակ ամեն հանելուկ ասելիս, այսպէս են սկսում.
— Էն ինչն ա ինչ.... Լայլն: — Մենք աւելորդ համարեցինք իւրաքանչիւր
հանելուկի սկզբում այդչա՛նը գործ դնել, որպէս զի ձանձրութիւն չպատճա-
ռենք ընթերցողներին:

Дозволено Цензурою г. Тифлисъ 7 Января 1883 года.

5. Սև ա՛ սաթի նման,
Սիպտակ ա՛ կաթի նման,
Ման ա գալի մարդի նման:
6. Իմ պապը սարին ա,
Կուտլիկը կատարին ա,
Գաւազանը ետեին ա,
Ճուտերը փորին ա:
7. Կօշով մեղէն,
Սիպտակ լսեղէն:
8. Ինքը կեռ, հազին կնկեռ.
Հէնց կէթայ, ո՛նց որ մըկըծեռ:
9. Թագաւոր կայ հնոց,
Գլխին կայ սղոց.
Աշակերտներին կ'ասի. «Բրիտոս յար-
ե՛աւ թ մեռելոց»:
10. Տասնը հինգ տարի թագաւոր էլաւ,
Տասնը վեցին հիւանդացաւ.
Երեսունին մեռաւ պրծաւ,
Համայ էլ եղ սաղացաւ:
11. Սիպտակ դաշտիկ,
Սև սև հնդիկ,

12. Օրան օրան շուռ ա դալի.
Ոններ չունի՞ման ա գալի,
Բերան չունի՞ կուլ ա տալի:
13. Տափակը տափակին դնեմ,
Բուռը բուռը նի ածեմ,
Խռխռալէն՝ վեր ածեմ:
14. Էրկու աշղ ասայ ասայ,
Կէթան, կգան բասայ բասայ:
15. Ա՛յ տէրտէր, ջա՛ն տէրտէր. չես ու-
տում, չես խմում՝ փորդ քա՞նի
գուգույ, տէրտէր:
16. Ունունիկ՝ բունունիկ, մէջը ծակ.
Թէ խելք ունես, կ'ասես՝ գտակ:
17. Ձին ձորումը, պօջը կրկնքումը:
18. Սուն՝ թուռ՝ լիտր զցեց:
19. Չորս աղպեր մի գտակով են ապրում:
20. Էն ի՞նչն ա ի՛նչ, որ մեռելը սաղին
շալակում ա:

21. Քանի սաղ էր՝ խոտ ու դարման էր
ուռուում. որ մեռաւ՝ միս ու ա-
րին կերաւ:
22. Էն... երկրիցը իրեք բուռ ֆող պակսեց:
23. Հաջն պապ, ոսկէ դուխ:
24. Մի ծառ կայ՝ 12 ճուղք ունի. ամեն
ճղքանը՝ 30 տերև:
25. Էն ի՞նչ գաւազան էր, որ միս ու
արին ունէր:
26. Ալափստրակ՝ քարի վաստակ.
Քա՞նի վազես փորդ դարտակ:
27. Իրիկունը ցան փռեմ, առաւօտը տե-
նամ չկայ:
28. Էն... որ ամեն բանի պէտքն ա:
29. Էն... քեզ դրի՝ կպաւ:
30. Մի տուն ունենք, պատերն էրծաթ,
մէջը ոսկի:
31. Մի սար կայ. քամակը ձին ա գալի,
աղաքը՝ կարկուտ:

32. Գեննի տակին բուրդ պլօծիկ,
Ո՛վ գտնի՝ իրան ուծիկ:
33. Էն... մսէ շամփուր, էրկաթէ խորոված:
34. Ձին գնաց, թամբը մնաց:
35. Երկէն աղեք, ծէրը ծաղկի:
36. Բռնեմ՝ բռնովս մին ա,
թողամ՝ տանովս մին ա:
37. Ալ եզը, չաւ եզը,
կաննած, չիվարած եզը:
38. Էս դիհը դար, էն դիհը դար՝ մէջն
անդադար:
39. Ըստէ պուպուզ, ընդէ պուպուզ՝ երդ-
կովը դուս:
40. Ուլուլիկ, պուլուլիկ.
Մէջը լեքը սուլուլիկ:
41. Հաւքը էկաւ երկնքից. ոսկէ լական
իր կտուց. յղու արեց, յբու
արեց՝ իրեք բան աղաք գցեց:

42. Թուրքի տղէն վազէ վազ, գօտիկ
ունէր քառսուն գաղ:
-
43. Սարից, քարից գցեմ՝ չի՛ կոտորուի,
որ ջուրը գցեմ՝ կկոտորուի:
-
44. Յերէկը նորահարս, գշերը զարա-
ւաշ:
-
45. Ղօլթուղս առնեմ՝ լաց կընի, դնեմ
գետինը՝ ձէնը կկտրի:
-
46. Երկէն քուչայ, միջը փուչ ա:
47. Փետէ նաշ, էրկաթէ մեռել:
-
48. Հանդը սիպտակ, սերմը սև՝ ցանողը
գիտայ:
-
49. Անթիւ թռնողմ ա, սնոտ՝ վազում ա:
-
50. Ա՛յ օրթան, օրթան,
Տասն էրկու չչորթան,
Իրար ետեից կէթան:
-
51. Սև սատանայ՝ բանձր տան ա,
Թէ խմանաս՝ խեղքի բան ա:

52. Ալ եղը, չալ եղը.
Քանի բարձեմ՝ տա՛ր եղը:
-
53. Էն ... մի բակում հինգ աղպեր
բանում են:
-
54. Մի կով ունենք հանդին ա,
Պօղերը կրմանդին ա,
Տարէնը մի հետ կիթ կուայ.
Ըն էլ հանդին ա:
-
55. Ուլանոց, ուլատանոց,
Ուլանն էկան՝ շրնդընդանոց:
-
56. Կօլլ եկեղեցի, դանկով տուի զուգը
բաց արի:
-
57. Էն ... ասում եմ արի՛, արի՛, ձի
գալի, որ ասում եմ մի՛ ղայ,
մի՛ գայ, գալիս ա:
-
58. Ինքը սարումը,
Ոնները կրակումը:
-
59. Էն... մի տօլար՝ լիքը խուշուր:
-
60. Մի սնանի, էրկու տնանի:

61. Մի սարի շօշուժ երկու հաց կայ
փռած:
62. Գեննի տակին մեկ շամփուր:
63. Երկէն երէց, կարճ գաւազան:
64. Աւալայ, պալաւայ՝ բեր հաղարա՝
տա՛ր կախ արա՛:
65. Ասլանը չօքեց, արարը նստեց:
66. Սե սլեքը սարն ելաւ,
Անհամբարքը վեր եկաւ:
67. Տասը եղ ունեմ, տասի ճակատն էլ
ղաշխայ ա:
68. Մի աման ունեմ, որ դպա երկինքն
եմ բռնում՝ դարտկվում ա. որ
դպա գետինն եմ բռնում՝ լըց-
վում ա:
69. Էն լարը քաշեմ՝ սարը գայ:
70. Էսան էսան՝ փափօսան:
Զբէ սնցան՝ չտեսան:

71. Սե սասանէն պատիջը կախ:
72. Գեղին տիկին, գեննի տակին:
73. Հանգստան, քրանգստան.
Չաղերը թռան, մամերը նստան,
Մամերը թռան, ձաղերը նստան:
74. Տափ տփի, ընկնի խփի:
75. Աշի աշե, գոմշե կաշե.
Ոնչ կհալե, ոնչ կմաշի:
76. Իլեկ իլեկ իշկման,
Նա՛շխուն կաքաւ թուրքման,
Նա իման ա, նա՛ մուսուլման:
77. Ուն ունի, բուն ունի,
Հաւի պէս գլուխ ունի:
78. Չրե դուռ, փեռե բալանիք:
79. Խիցեր (աքաղաղ), խիցեր, տանտի խի-
ցեր,
Ինքը կեռ, հազին պիպեռ:

80. Տիգը տղիցն ա կպէ, տիպն էլ պատիցը.
Գնացէ՛ք տգամօրը կանչէ՛ք տիգը տը-
վեցը պոկի, տիգն էլ պատիցը:
81. Էն ի՞նչ թէ ինչ՝ լըպտացնեմ, ծա-
կիցն անցկացնեմ:
82. Երկէն չուան, թէիս (դէպի) Նախջուան:
83. Սարից գցեմ, սար չի,
Քարից գցեմ, քար չի,
Վ'կրկրայ՝ կաքաւ չի.
Ձու կածի՝ հաւ չի:
84. Էն... մի մարաք, մէջը լիքը օւրադ:
85. Մենք մինն ունենք մի ոննանի,
Որ դուս դայ՝ գէլը կտանի:
86. Սարից գալիս ա հիւ ու միւ,
Մէջքը կտարած, կռները թիւ,
Բերանը զնեմ մի հում քիւ:
87. Մեր տանը կայ ընկիւ ընկիւ,
Կտուշները զնկիւ զնկիւ.
Մարդ չի կտրայ դէմը կաննի:

88. Էն... հողէ լուլայ, մէ գիւլլայ:
89. Էն... մէ կճուճ, էրկաթէ խուփ:
90. Էն ի՞նչ կենդանի ա, որ Աստօծ չի
ստեղծէ:
91. Էն որ վարդապետն ա, որ ծունկը
գլխիցը բանձր ա:
92. Էն ինչ շոր էր, որ ո՞նչ կտոր ունէր,
ո՞նչ կար:
93. Փէտի կտոր տեսայ անտաշ,
Վրէն կարմիր շապիկ քաշած.
Փորի մէջը ալիւ լցրած,
Ինքը պտուղ փշէ քաղած:
94. Տաս վըր չորսին,
Զորս վըր ծովուն.
Ծով վըր ծնկան.
Ծունկ կրնգան.
Ո՞վ ա նստէ վըր քո կնկան:
95. Երկինքն ամպ ա, երկիրը հով,
Եզը ծնեց՝ բերեց կով:

96. երկինքը ծակ, երկիրն էլ ծակ,
Մէջը լեքը ջուր ու կրակ:
97. Էն... անջուր ջաղաց, անկրակ բաղաջ:
98. Եթ սոված եմ՝ հաց տո՛ւ ինձ, որ
քեզ սոված չթողամ. եթ ծա-
րաւ եմ, ջուր տո՛ւ ինձ որ քեզ
պէտք դամ:
99. Էն.... ըստիան դպա քեզ գցեմ:
100. Սերմեմ աճար, դուս դայ բանջար՝
քաղեմ կճուճ:
101. Ջրից զՖիլ, փեռիցը բալանիք:
102. Սե եզը ջուլեմ, ջուլն ուտեմ:
103. Էն.... մի պաղրհան՝ շեղջով լեքը:
104. Էն ի՞նչն ա ինչ մի գեօլ,
Գեօլն քնթին մի աղէք,
Աղքի քնթին մի ծաղիկ:
105. Էն... իմն ա պռտի՝ մննի, չի մննի՝ կըռ-
ծի մննի:

106. Ջուրն ի դուս քարվան,
Ջուրն ի վեր քարվան,
Ոչ խոտ կուտի՝ ոչ դարման:
107. Մօրից ծնուեցի՝ չորս գեղ կերայ.
Եթ որ մենծացայ՝ զեռին փորեցի.
Եթ որ մեռայ՝ աշխար ման եկայ:
108. Էն... աշխարի ստեղծուելուց ընչանք
հմի՝ մի հեռ ա արև տեսէ:
109. Էն... մսէ աղլուխ՝ մսով լեքը:
110. Գոմէն կաշն ծալուիլ չի՝ խուր-
դայ փողը համբարուիլ չի:
111. Էրկու արջ մի ձորում կռվում են:
112. Սիպտակ մէր, սե սե ձորտեր:
113. Մի խորում խոտ, կողքը ցխոտ:
114. Մի թաւում մի կտոր դմակ կայ.
Թաւէն մաշվում ա, դմակի ըսկի
աշխուսն էլ չի:
115. Ես ու ճիճղին գնացինք սարը, որ

116. Դիճղին չընէր՝ ես կ'օգնայի ստորումը:
Էն... «Բո՛ղի հը գցեմ» կէթայ:
117. Շունը հաջաց, դունչը ուռեց:
118. Իմ հէրը ջրի վրէն կարմունջ էր շե-
նում. ո՛նչ ուրաք էր բանաց-
նում, ո՛նչ սղոց, ո՛նչ բուրղու.
մի խօսքով ըսկի ձեռ չէր տալի՝
ինքն իրան կարմունջը շինվում էր:
119. Բազարում ծախուիլ չի,
վշտքում քաշուիլ չի.
Նրանից էլ անուշ բան չկայ:
120. Էն... չորս կոխիչ ունի, չորս ձգիչ,
էրկու բզի՛ մի տըմբտըմբիչ:
121. Սե կհինեմ, կանանչ կգործեմ, կար-
միր կկտրեմ:
122. Անասեղ շապիկի, անջաղաց ալեր, ան-
չաքու՛ճ՝ մեխ:
123. Էն... ինքը ոսկոր չունի, համայ ոս-
կոր ա ուտում:

124. Աստօժ ինձ մի ուլ տուեց,
Ուլ չտուեց՝ բլբիւլ տուեց,
Աստու հրամանով՝ աքլորը իշին կուլ
տուեց:
125. Էն... Սաղից մեռել ա ընում, մեռելից
սաղ:
126. Էն... դարման ուտում ա, մոխիր
թրքում:
127. Էն... Ինքը էժ՝ մէջքը պէժ:
128. Պուճուր երկինք, տակին ձին ա գալի:
129. Էն ո՞վ էր, որ եր տարան թաղելու
Փողն ասեց— ես կուս եմ:
130. Էն ո՞վ էր, որ արքայուլթիւնը ամեն-
քից աղաք մտաւ:
131. Էն... որ ո՛նչ խուփ ունի, ո՛նչ էլ սին:
132. Վեր եմ ունում՝ քա՛ր չի.
Ձու ա ածում՝ հա՛ւ չի:
133. Էն ո՞վ էր, որ մէկին սըպանեց՝

ինքը գնաց արքայութիւն. համայ
ուամ սըպանեց՝ նա դժողքը գնաց:

134. Ո՛նչ ձեռ ունի, ո՛նչ ոտ, համայ վի-
րե ա բանձրանում:

135. Էն...էգը որձից ծնուեց:

136. Էն...հէրը ծուռը, մէրը դուռ, քիրը
խելօք, աղպէրը գիժ:

137. Մի աղուիս ունեմ, ուզում եմ չորա-
ցնի չեմ կարում:

138. Էն...քանի սաղ էր՝ խոտ ու դարման
էր ուտում, որ մեռաւ՝ գինի էր խմում:

139. Էն...փորի դհիցը ուտում ա, մէջ-
քիցը դուս ածում:

140. Մի հաւանոց ունեմ, մէջը երկու
թուխս կայ՝ իրանց ճուտերովը:

141. Կօլորակ, դեղին՝ աշխարքին սիրելի:

142. Գցողը տղամարդ չի. գցածը քար չի,
սըպանածը թւեր ունի՝ զուշ չի:

143. Էն ի՞նչ թուղթ ա, որ վրէն գրիչ չի
բռնի, էն ի՞նչ գրիչ ա, որ նրա վրա
կգրի:

144. Փտած փէտը փորեցին,
Ասլանը մէջը պահեցին:

145. Էրկուսը մէկին, իրեքն էրկսին,
Իրար հետ խառնեցին՝ բաժանել
չկարացին:

146. Բռնեմ ափովս,
Շաղ տամ թաթովս,
Մեռնի տարով,
Ապրի բարով:

147. Զորս աղպէր մի գտակի տակ,
Ես ասեմ թէ էլի չգտաք:

148. Տապանը փետէ,
Մեռելն էրկաթէ.
Եթ որ ձէն կտայ,
Աշխար կթնդայ:

149. Էն...առաւօտը չորս ոտի վրա ա ման
գալի. ճաշին՝ էրկու, իրկուներ՝ իրեք:

150. Գարէ քուխտիկ,
Տոճ կան հորտիկ:
-
151. Մինը կաննած խօսում ա. երկուսը
անկաջ են դնում, երկուսն էլ մտիկ
են տալի:
-
152. Պապէն էկաւ վաղէ վաղ,
Լիզուն գցեց քառսուն զաղ:
-
153. Ինքը սոնի, ոտներ կոնի,
Քանց սատանէն շատ կթռնի:
-
154. Էստուց չուր վան, վաղն երեւան,
Ոսկի չաղիր, մէջն ա դիւան:
-
155. Պապէն նստաւ վըր դարին,
Քառսուն արէն վըր թւին,
Կ'ըսայ-հա՛ կմրսեմ, հա՛ կմրսեմ:
-
156. Մանդր, մանդր քերեկան,
Արեւի ետեւից երեւան:
-
157. Քրստդա՛ն, քրստդա՛ն,
Խռովի՛ նստի դան:
-
158. Կուզ կզաւ, արար հեծաւ:

159. Էն...կէթայ կգայ՝ քու մօր փորին
բարով կտայ:
-
160. Հաղար բբուկ,
Սարէն կպուկ:
-
161. Թէ թափես՝ շատ կհաւաքես, թէ
պահես՝ ինձանից էլ կզրկուես:
-
162. Զալ հաւը ծկռտաց՝ ձուն շարտեց:
-
163. Ետեւից հուփ տամ, աղաքից որոճայ:
-
164. Ոն՛չ կհաջայ, ոնչ ման կգայ, համայ
մարդի կկծի:
-
165. Երկէն կարպետ՝ ծալուիլ չի. վրէն
մանդր քարեր՝ համբարուիլ չի:
-
166. Հէրն ասեց-վ՛այ ուսս. մէրն ասեց-վ՛այ,
մէջքս. էրեխէքն ասեցին-սո՛ւս կա-
ցեք, որ վէ կընկնենք:
-
167. Էն...կարճ տէրտէր՝ երկէն փիլօն:
-
168. Երեսը տախտակ, տակը քար,
Ութ սննանի, էրկու սար:

169.

Շոքին շալակ,
Անձրևին խայտառակ,
Ոչլի բուն, լուի քաղաք:

Ծանօթ. ՀԱՆԵԼՈՒԿՆԵՐԻ ԲԱՑԱՏՐՈՒ-
ԹԻՒՆՆԵՐԸ ԳՐԹԻ ՎԵՐՋՈՒՄ:

14569 - 14575

2013

